

مطبعه و محل اداره :

جمال اوغلانده امنيت
صندوغی جوارنده
شنکول يقوشنده
۲۵ نومرو

مشتاقنامه صراط مستقیم

اظهار :

مسلكمزه موافق آثار
جدیده مع الممنونیه
قبول اولنور

درج ایدله یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، احوال و شئون اسلامیه بحث ایدر و هفته ده بر نشر اولنور .

صاحب و مؤسسلری :

آبونه بدلی

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

درسعادته نسخہ سی ۵۰ پاره در
قیرلہ دن مقوا بورو ایله کوندربلیرسه سنوی
۲۰ غروش فضله آلنیر

آلتنجی جلد

۲۶ جمادی الاول پنجشنبه ۱۲ مایس ۳۲۷

عدد : ۱۴۲

لوئی زمانده اڤ بيوک بر قومديه محرری اولان مولیهرك (بورژوا لوژانتی بوم) عنوانی برپه سی واردر . زمانك احوال اجتماعیه سی ، عوام وزادكانك حرکاتی بر لسان تنقید و تزییف ایله تصویر ایدن بو پیه سده کویا ترکلرک لسانلرینه ، طرز عبادتلرینه عائدده قطعاً خلاف حقیقت بعض سوزلر واردر . دیدیکمز کبی یوز صحیفه بی متجاوز اولان بو اثرده ترکلرک تقلید و تحقیرینی متضمن اولان فقره لری پک آزدر . بز ، عصر لرجه اول کلمش و کیف پرست بر قرالک خوشنه کیتمش اولمق مقصدیله یازلمش بویله بر اثری بوراده تنقید ایده جک دکلز . یالکمز ، قومپانیه نك بو اثردن یالکمز ترکار حقنده کی تصویرینی چیقاروب پرده ده کوسترمسی و بش اون صاریقلی نك - حاشا - نماز تقلیدینی یایمسی عثمانلیر ایچون تحمل ایدیه میه جک حقارتلردندر .

عثمانلی طور اغنده پاره قازانان بر قومپانیه نك بوقیل بر حرکت کستاخانه سی احلا شایان تجویز اوله ماز . شاید بتون اثرک باشلیجه لری لوحه لری کوسترکن او میانده بزه عائد اولان جهتلری ده تصویر ایتمش اولسه ییدی احتمال که اوقدر شدتله اعتراضه حقمز اوله مازدی . لکن هپسندن صرف نظرله آنجق اسلامیتی و ترکلیکی تحقیر ایدن بر لوحه نك ترسیم واره سی مطلقاً بر مقصد مخصوصه عطف اولمق لازم کلر . اکثریسی غیر مسلم اولان حاضر ونك بونی قهقهه لرله قارشیلامسی ده بونی اثبات ایدر .

عصر لردنبری زواللی ترکلرک بغیر حق دوچار اولدقلری تجاوزلر کافی کلیورمش کبی بوکون بیله ممالک عثمانیه نك اڤ مهم مراکزندن بری اولان ازمیرده بویله بر حرکت جرات ایدلمسی حقیقه نفرتله تاقی ایدیه نك حاللردندر .

بوخصوصه ضابطه مزك دها متبصرانه طاور انمسی تمی ایدر و نظر دقتی جلب ایلرز .

انقره رفیقمز پر شته دن کلن بر عسکر مک توبندن
آئیده کی فقره لری نقل ایدیور :

فرقه یه قرارگاه اتحاد اولنان موقع قوصوه صحرای معروفنك اڤ حاکم نقطه سنده اولوب طابور مزك اشغال ایتدیکی بردن چادر مه تخصیص ایدیلاں محل مشهد سلطان مراده وقوصوه اردوسنك همان هر طرفه ناظر در .

موقعك مستثالغه انضمام ایدن موسه ك لطافت حیرت فراسی بکا هر شیتی اونوتدیریور . بوکوندن اعتباراً تعلیملر باشلادی ؛ فرقه نك مجتمع بر حاله تعلیمه چیقمسی هله « یوقامه » نامی ویریان ساعت اور برده کی حالی ممکن دکل تعریف ایدیه مز . چوق وقت بویله بر عالمی مشاهده آرزوسیه ساعتله خولیا ایتدیکی بیلیم . له الحمد موفق اولدم . بن شوسطرلری یازارکن اذان بورینی تعقیب ایدرک یوکسلن تکیر آوازه لری بنی پک متأثر ایتدی .

بوشوقله چادیر خارجه چیقهرق قرارگاهه کوزکزدیردم . چادیرلرک یالکمز تپه سنه عکس ایدن لایه ضیاسی پارلاق بر شر آیین قنديللری کبی

کوزل بر منظره ارانه ایدیوردی . نمازدن صکره هر چادیردن بر شرقی هر طابورک بوری و موسیقی سندن بر هوا او قونیور . بو مختلف نعماتدن حاصل اولان آهنگ مسرت شانلی عثمانلیر جولا نگاه اولان قوصوه صحراسی باشند باشه صارصیور . قرارگاهک شرق جهته کلان طاغیرک آرقه سی صرب حدودیدر که درت بش ساعت مسافه ده در . پرشته قصبه سی انقره بیوکلیکنده دلنشین بریر اولوب جابجا اغاچلر آره سنده یرلشدیرلش اولان بو شهرک موقعی ، منظره سی پک لطیفدر .

هواسی صوبی آرامه ایله اڤ کچمز ! اهالیسی غایت مکرم و ملتفت اولوب آراودلرده موجود بیلدیکنز خشونت طبع هیچ یوق کبی در . پک کوزل ترکجه بیلورلر . قصبه نك اڤ خوشه کیدن محصولی آچیقده صاتیلاں توتونلریدر . اوقه سی التمش یارديه اولان یوغوردینک بزم قایم اقلر مزدن لذت اولدیغی ده خبر وره یم قیورحق اتی اتی قوزی اتی درت بیچق بش غروشه در . سبزه نك انواعی وار . ارناودلر عسکردن غایت ممنون ؛ هله تشریف شاهانه دن او قدر محظوظ اولبورلر که درجه سی کوستریله مز . جاده لر سوقاقلر وبونلره مجاور اماکن کاملاً تعمیر وتلویں ایدلمکده در . اقامت شهر یاریه تخصیص ایدلمش اولان حکومت قونایه تخلیه ایدلمش وهر که قوماشلریله تقریثنه باشلانیمشدر . پرشته دن استاسیونه قدر مجدداً کشاد اولنان شوسه ده در دست اکالدر . خلاصه هر کسده هر طرفه استحضارات لازمه پک مکملدر .

شئون

بوفنا عادت ده یکی چیقدی .

کچنلرده مالیه نظارتی مأمورلردن بر غیر مسلمک ، مسلمان مبعوثلردن بر ذاتی دوللویه چاگیرمه سی اوزرینه شویله یازمشدق :

یرنده راحت ا

صالی کونی طنینده شوسطرلری کمال استغراب ایله اوقودق :

« مالیه نظارتی قلم مخصوص میدیدی نسیم روسوافندینک لطفی فکری پک طرفندن مجلس مبعوثانده کندی علیهنده وقوع بولان تجاوزات محقرانه دن دولای دوللوا یتک اوزره درسم مبعوثنه شاهدلری کوندردیکی مستخبردر . » حمدالله سلطنت اسلامه عثمانیه ده دوللو دینلن عادت وحشیه غریبه بوکونه قدر کورلمش ، ایشیدیلیمش بر جنت دکلر غریبه کی ترقی افکار ایله آز چوق آشنا اولانلر بیلورلر که فکار منوره احبابنك جمله سی بوفضیحه مجنونانه نك تماماً علیهنده در . وبونکچون حکومات مدینه دن بر قسمی ، قرون وسطا دن قالمه بومنجوس کوره نکل محکم بر عادت اوله سنده رغماً ، دوللوی منع ایدر قوانین وضع ایتشلردر ، سا نکه کندی فنا کوره نکریمز کفایت ایتیورمش کبی ، برقچ عصر اول جناح شفقت و مرحمتزه صیغینمش بر طاقم ملتجیلرک احفادی طرفندن ، جمعیتزه بوقانی جتسکده ادخالی ایسته نیلدیکنی « طنین » ک یوقاریده مندرج خبرندن اکلایورز .

وقایع سائرہ دن صرف نظر یالکڑ بو بیاننامہ نک یازیشندہ مندیج اینجہ وقهرمان حس ، قویہ لرندہ کی فوق العادہ صنعت ، خلک بونی اشتراکہ کوستردیکی تہلاک چینک پک یاقین براسنقبالده بویوک بر ژاپون اولہ جغنه قو تلی امیدلر اویاندیریور ..

صوک تلفرافلر . — افرنجی ۲۲ مایس تاریخی ایہ پترسبورغ دن آلتوب آژانسلر واسطہ سیلہ عالمہ طاعیدیلان بر خبر ، غلیانک نہ درجہ لرده جدی اولدیغنی صریح کوستریور :

— جنوبی چیندن آلتان خبرلر احوالی پک وخیم کوسترمکده در . مشروطیت اعلانی حقندہ بر چوق متینغلر عقد ایدیلرک نمایشلر یایلمش وبو بایده مقررات اتخاذایدلمشدر . اجنبیلرک حیاتی تہلکہ دہ در .

روسیہ

پترسبورغ آخوندینک وفاتی — پترسبورغہ متمکن مسلمان جماعتک آخوندی ، یعنی باش امامی ، ملا ومدرس عطاء اللہ حضرت یازیدوف ، کچن نیسان آینک ۲۲ نجی کونی وفات ایتمشدر . اللہ مظهر غفران ورجت ایلسین !

مرحوم خان کرمن قربندہ کی بر قریہ دہ طوغمش ، خان کرمن وقشقار مدرسه لرندہ او قودقدن صوکرہ دہاکنج ایکن پترسبورغہ کلش واللی سنہ قدر ، روسیہ نک یاتختندہ اماملق ، آخوندلق وبعض دوائر رسمیه دہ ترجمانلق والسنتہ شرقیہ مکتبندہ معلمک ایتمشدر . بوندن ۳۰ سنہ اول مشهور ارنہ ست رونانک بررسالہ سنہ مقابل اسلامک معارف وترقیہ مانع اولمادیغنی اثبات ایچون بررسالہ دہ قلمہ آلمشدی . تبعہ سی آرہ سنندہ ۳۰ میلیونی متجاوز مسلمان بولونان بردولتک یاتختندہ ، اوتبرہ نک اہمیتلہ متناسب معظم ومحتشم برجامع شریف بناسی فکرینی ایلک اول میدانہ چبقاران مرحوم آخوند حضرتاری اولمشدر . برقاج میلیونہ مال اولہ حق بوجامعک انشاسی الیوم ختامہ ایرشمک اوزرہ در . بوندن باشقہ ، روسیہ دہ مسلمانلرک جریدہ نشرینہ مساعده اولنور اولماز ، عطاء اللہ افندی ، پترسبورغہ « نور » جریدہ اسبوعیہ سنی چبقارمہ یہ باشلامشدر . « نور » ک مسلتک سیاسیسی پک معتدل ، عادتا محافظہ کارلغہ یاقین برترقیپورولکدر .

داخلیہ نظارتی

مطبوعات ادارہ سی

۲۲۹ صراط مستقیم غزنیہ سی مدیریتنہ

« غزنیہ کزلہ دیوان حرب عرفیدن اخیراً واقع اولان اختارات » رسمیه خلافتہ اولہرق ینہ شخصیاتہ متعلق وھیجان آمیز مقالات نشر ایدلایکندن ادارہ عرفیہ قرارنامہ سنک آلتنجی مادہ سنہ توفیقاً « بلا مدت تعطیلنہ متفقاً قرار ویرلیدی دیوان حرب عرفیدن صادر » اولوب حریہ نظارت جلیہ سنندن باتذکرہ تودیع اولتان مضبطہ دہ « بیان قلنمقلہ بر موجب قرار صراط مستقیم غزنیہ سنک بوکوندن اعتباراً » بلا مدت تعطیل قلندیغنی تبلیغ اولنور . ۵ مایس سنہ ۳۲۷ نجیشنبہ کونی اقشام اوزری بو امر نامہ تہامغ اولونجہ بردن برہ

بزمسلمانلر ، غربک شدائد ظالمانہ سنندن وبالخاصہ اسپانیا انکیزیس یونلرندن قاجان برطاقم زوالیلری مملکتتمزہ قبول ایتدک وحقی صوک زمانلر اولنرہ کندیمزہ تماماً مساوی حقوق وحریت آلیوردک ایسہ ، اولنر اصلاً خاطر دن حیقارماملیدرلر کہ بوزم مرحمت وعلو جنبامز کندینرینہ برطاقم وظائف معنویہ تحمیل ایدر . بووظائفدن بریسی دہ دوئللو کی اسپانیا جنایتلرینک مملکتتمزہ ادخالیلہ مشغول اولمالریدر . باشقہ برچوق مشروع تجارت وارکن بونوع ادخاللہ قلیشانلرہ اوللرینہ پک دہ یاقیشمایان سلاخی براقدیرمق ایچون ، قیصہ وقطعی امر ویرنلر بولنور یرندہ راحت !

بوہفتہ نک غرائب شئونندن بریسی دہ ، مسلمان بر مبعوثک دیکر مسلمان بر مبعوثی دوکوشمہ یہ ، اولدیرشمہ یہ دعوت ایتمہ سی ، ودعوت اولنالک دہ بوکا اجابت ایلمہ سیدر . قوانین عثمانیہ ، بر خیلی ممالک متمدنہ قوانینی کی اوروپانک ادوار وحشیہ سنندن قلہ بو غیر معقول وغیر مشروع عادہ مساعده ویرمز . بونی پک ای بیان ہیأت تشریعیہ نک ایکی عضو محترمی ، یکدیگری جرح و قتل ایتک ایچون بو نوع جنایاتی مباح کون بر حکومتک زیر حمایہ سنہ التجا ایتک ایستہ رک ، یونانستان ویا بلغارستانہ کیتک املندہ ایتمشدر . .. قوانینمک اصلاحی ایچون انتخاب ایدیلمش اولان بودوات ، شرع شریف وقانون منیفہ مغایر بر فعلی ارتکاب ایچون ، بویلہ بر قاجامغہ صابارق ، کندیلرینی بلکہ قانونک شکلی تعقیباتندن قورتارہ بیلورلر ، لکن شرع شریف و روح قوانین اولنری مطلقاً محکوم ایدر وافکار عمومیہ اسلامیہ دہ مطلقاً هر ایکسینک وعلی الخصوص بویلہ برواسطہ غیر مشروعہ ایلہ احقاق حق ایتک زعم باطنندہ بولنوب ایلک تکلیف مقاتلہ ایدہ نک علیہندہ بولنور . بوکی عادات مجنونانہ وحشیہ یی مملکتتمزہ ادخال ایتک ایستہ یینار ، ملتک پیشواسی اولمق ، واضع قانونی بولمق شویلہ طور سون ملتک شایان احترام اعضا سنندن اولمق حقنی بیلہ غائب ایدرلر . جملہ مزہ اللہ عقل وانصاف ویرسین !

چین :

چینہ غلبانہ . — بو ہفتہ چیندن قورقنچ بر بیاننامہ آلدق . بو بیاننامہ پک اینجہ ، چین ایپک کاغد اوزرینہ بولاشدیرلمش قان لکلرندن عبارتدر . انسان ، بیاننامہ یی الینہ آلیر آلتاز قترہ مہ یہ باشلیور . او قان لکلری ، چینجہ بر شیلر افادہ ایدیورمش : چینلیلری ، مستولی اوروپالیلر دن وطنلرینی قورتارمق ایچون ابتداء ادارہ یہ ختام ویروب مشروطیت تأسیس ایلیمک ایچون قیام عمومیہ دعوت ایدیورمش . بیاننامہ یی نانکین شہرندہ ، چی — مو — شین نامندہ پروفیسور ، بر پارماغنی کسوب اونک قاتیلہ وپارماغیہ یازمش ایش . بو غریب وشایان حیرت وثیقہ نک بر صورتی ، انشالہ ، کلہ جک ہفتہ کی « صراط مستقیم » دہ نشر ایدرز . بیاننامہ نک نسخہ اصلہ سنندن یوز بیکارجہ قویہ آلتوب کنیش چین مملکتک مرطرفہ طاعیدلش ومزایدہ ایلہ ساتیلوب اثنانی وطنی قورتارمق جمعیتہ طوبالانیہ رمش .